

Inotuzumab ozogamicin ar gyfer trin lewcemia lymffoblastig acíwt cell-B atglafychol neu anhydrin

19 Medi 2018

Mae Inotuzumab ozogamicin (Besponsa) ar gael gan y GIG. Mae'n driniaeth bosibl ar gyfer lewcemia lymffoblastig acíwt rhagflaenydd cell-B CD22-positif mewn oedolion os:

- ydynt eisoes wedi cael o leiaf un driniaeth, neu
- os oes ganddynt glefyd cromosom-Philadelphia-postif a'u bod wedi cael o leiaf un atalydd cinas tyrosin.

Os nad ydych yn gymwys i gael inotuzumab ozogamicin, ond rydych eisoes yn ei gymryd, dylech allu parhau nes y byddwch chi a'ch meddyg yn penderfynu ei bod yn iawn i chi roi'r gorau i'w gymryd.

A yw'r driniaeth hon yn addas i mi?

Dylai eich gweithwyr gofal iechyd proffesiynol roi gwybodaeth glir i chi, trafod eich opsiynau â chi a gwrando'n ofalus ar eich barn a'ch pryderon. Gall eich teulu fod yn rhan o'r broses hefyd, os ydych yn dymuno. Darllenwch ragor am [wneud penderfyniadau am eich gofal](#).

Cwestiynau i feddwl amdanynt

- Pa mor dda y mae'n gweithio o gymharu â thriniaethau eraill?
- Beth yw'r risgiau neu'r sgîl-effeithiau? Pa mor debygol ydynt?
- Sut y bydd y driniaeth yn effeithio ar fy mywyd o ddydd i ddydd?
- Beth fydd yn digwydd os na fydd y driniaeth yn gweithio?

- Beth fydd yn digwydd os nad wyf eisiau'r driniaeth? A oes triniaethau eraill ar gael?

Gwybodaeth a chymorth

Gall [NHS Choices](#) fod yn lle da i gael gwybod mwy.

Gall y sefydliadau hyn roi cyngor a chymorth i chi:

- [Cymdeithas Canser Lewcemia](#), 0208 374 4821
- [GOFAL Lewcemia](#), 08088 010 444
- [Bloodwise](#), 0207 504 2200
- [Ymchwil Canser y DU](#), 0808 800 4040
- [Cymorth Canser Macmillan](#), 0808 808 000

Gallwch hefyd gael cymorth gan eich grŵp [Gwarchod Iechyd](#) lleol.

Nid yw NICE yn gyfrifol am ansawdd na chywirdeb unrhyw wybodaeth neu gyngor a roddir gan y sefydliadau hyn.

ISBN: 978-1-4731-2692-3